

Os principais documentos técnicos do Programa Galego de Prevención e Control da Tuberculose son os que se presentan a continuación:

Programa Galego de Prevención e Control da Tuberculose. 2017-2020 	
A avaliación do Programa Galego de Prevención e Control da Tuberculose 2012-2015 pon de manifesto que son moitos os logros alcanzados na nosa comunidade no campo desta enfermidade, pero aínda queda moito que conseguir para que a tuberculose deixe de ser un problema de saúde en Galicia. Neste momento definimos novas estratexias e indicadores, para avanzar cara a eliminación da tuberculose na nosa comunidade, que complementan as metas e as grandes liñas estratéxicas do plan previo, que seguen en vigor.	>
Programa Galego de Prevención e Control da Tuberculose. 2012-2015 	
A meta do Programa Galego de Prevención e Control da Tuberculose é reducir a morbilidade e transmisión da TB, mantendo a tendencia decrecente da incidencia de casos de TB, en todas as súas formas, favorecendo o acceso universal a un diagnóstico de calidade e tratamento efectivo dos enfermos de TB, co fin de reducir o sufrimento humano e a carga socioeconómica asociados, mediante a aplicación de accións efectivas tendentes a protexer e atender con calidade e calidez as poboacións susceptibles.	>
Infección tuberculosa e estudo de contactos 	
Un dos piares fundamentais da loita antituberculosa é a actuación sobre o contorno familiar e social de cada enfermo. Sábese que ao redor de vinte persoas poden ser infectadas por cada enfermo bacilífero, e máis canto máis íntima sexa a convivencia. Dos infectados, nunha porcentaxe apreciable, do 5 ao 20% das persoas, van desenvolver a enfermidade tuberculosa.	>
Estudo sobre resistencias de Mycobacterium tuberculosis en Galicia e recomendacións de manexo 	
Un dos factores que contribuíu á situación actual da TB en Galicia foi a creación do Laboratorio de Referencia de Micobacterias de Galicia, que fixo posible a nosa incorporación ao proxecto global da OMS de vixilancia de resistencias aos fármacos antituberculosos, e a realización de antibiograma a todos os casos de tuberculose.	>
Guía de prevención e control da tuberculose no medio hospitalario 	
Os traballadores sanitarios que atenden a persoas con TB bacilífera deben coñecer o nivel de risco de transmisión da enfermidade e as medidas de control adecuadas para minimizar ese risco.	>